

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

বুধবার, সেপ্টেম্বর ২৭, ২০২৩

বাংলাদেশ নির্বাচন কমিশন  
নির্বাচন কমিশন সচিবালয়  
নির্বাচন ভবন, আগারগাঁও, ঢাকা।

প্রজ্ঞাপন

তারিখ: ০৩ আশ্বিন, ১৪৩০ বঙ্গাব্দ/১৮ সেপ্টেম্বর, ২০২৩ খ্রিষ্টাব্দ

এস.আর.ও. নং ২৬৯-আইন/২০২৩।—Representation of the People Order, 1972 (President's Order No. 155 of 1972) এর Article 94 এ প্রদত্ত ক্ষমতাবলে নির্বাচন কমিশন নির্বাচন পরিচালনা বিধিমালা, ২০০৮ এর নিম্নরূপ অধিকতর সংশোধন করিল, যথা:—

উপরি-উক্ত বিধিমালার—

(১) বিধি ৩ এর পরিবর্তে নিম্নরূপ বিধি ৩ প্রতিস্থাপিত হইবে, যথা:—

“৩। মনোনয়নপত্র সংগ্রহ এবং দাখিল।—(১) অনুচ্ছেদ ১২ এর বিধান সাপেক্ষে, কোনো মনোনয়নপত্র ফরম-১ অনুযায়ী সরাসরি বা অনলাইনে দাখিল করা যাইবে।

(২) কোনো প্রার্থী বা প্রস্তাবকারী বা সমর্থনকারী বা প্রার্থীর প্রতিনিধি মনোনয়নপত্র দাখিলের নির্ধারিত তারিখের মধ্যে—

( ১৩৬৩৯ )

মূল্য : টাকা ৮.০০

- (ক) সংশ্লিষ্ট রিটার্নিং অফিসার বা সহকারী রিটার্নিং অফিসারের নিকট হইতে মনোনয়নপত্র সংগ্রহ করিয়া তাহা সরাসরি দাখিল করিতে পারিবেন; অথবা
- (খ) অনলাইনে মনোনয়নপত্র পূরণ ও দাখিলের জন্য কোনো প্রার্থী বাংলাদেশ নির্বাচন কমিশন এর ওয়েবসাইটের সংশ্লিষ্ট লিংকে (পোর্টাল) প্রবেশ করিয়া রেজিস্ট্রেশন করিতে পারিবেন, রেজিস্ট্রেশন সম্পন্ন হইবার পর পোর্টালে লগইন করিয়া মনোনয়নপত্র পূরণ ও দাখিল করিতে পারিবেন।
- (৩) উপ-বিধি (২) এর দফা (খ) এর অধীন অনলাইনের মাধ্যমে মনোনয়নপত্র দাখিলের ক্ষেত্রে নিম্নবর্ণিত পদ্ধতি অনুসরণ করিতে হইবে, যথা:—
- (ক) অনলাইনে মনোনয়নপত্র পূরণ ও দাখিল করিবার উদ্দেশ্যে পোর্টালে প্রবেশ করিয়া তাহার জাতীয় পরিচয়পত্র নম্বর বা ভোটার নম্বর, মোবাইল নম্বর, ই-মেইল আইডি এবং নির্বাচনি এলাকার নম্বর ও নাম এন্ট্রি করিয়া রেজিস্ট্রেশন করিতে হইবে; রেজিস্ট্রেশন সম্পন্ন হইবার পর ইউজার নেইম ও পাসওয়ার্ড পাওয়া যাইবে;
- (খ) জাতীয় পরিচয়পত্রের বায়োমেট্রিক ফিচারে সংরক্ষিত মুখাবয়ব তথ্যের সহিত প্রার্থী, প্রস্তাবকারী ও সমর্থনকারীর চেহারা শনাক্তকরণ (Facial Recognition) করিতে হইবে;
- (গ) কোনো প্রার্থী পোর্টালে প্রবেশ করিয়া পর্যায়ক্রমে মনোনয়ন, ব্যক্তিগত তথ্যাদি ও হলফনামা সংক্রান্ত তথ্যাদি এন্ট্রি করিবেন এবং অনুচ্ছেদ ১২ এর অধীন প্রয়োজনীয় কাগজপত্র (হলফনামা, আয়কর প্রদান সংক্রান্ত কাগজপত্র, প্রযোজ্য ক্ষেত্রে, নিবন্ধিত রাজনৈতিক দল কর্তৃক মনোনয়ন সংক্রান্ত প্রত্যয়নপত্র ও সংশ্লিষ্ট কাগজপত্রসহ) স্ক্যান করিয়া Portable Document Format (পিডিএফ) আকারে সংযুক্ত করিবেন:

তবে শর্ত থাকে যে, স্বতন্ত্র প্রার্থীর ক্ষেত্রে, সংশ্লিষ্ট নির্বাচনি এলাকার এক শতাংশ ভোটারের সমর্থন সম্বলিত স্বাক্ষরযুক্ত তালিকা মনোনয়নপত্র দাখিলের শেষ তারিখের মধ্যে সংশ্লিষ্ট রিটার্নিং অফিসার বা সহকারী রিটার্নিং অফিসারের নিকট সরাসরি দাখিল করিতে হইবে;

- (ঘ) প্রার্থী পোর্টালে রক্ষিত অনলাইন পেমেন্ট মেথড ব্যবহার করিয়া জামানত বাবদ নির্ধারিত অর্থ প্রদান করিবার পর মনোনয়নপত্রটি দাখিল করিবেন;
- (ঙ) রিটার্নিং অফিসার অনলাইনে প্রাপ্ত প্রত্যেকটি মনোনয়নপত্রে স্বয়ংক্রিয়ভাবে সৃজিত বা প্রদত্ত ক্রমিক নম্বর অনুসারে “ফরম-১” এর পঞ্চম খণ্ড অনুযায়ী মনোনয়নপত্র বাছাইয়ের স্থান, তারিখ ও সময় নির্ধারণ করিবেন এবং প্রাপ্তি স্বীকার রসিদ ও বাছাইয়ের নোটিশ অনলাইনে প্রার্থীকে প্রেরণ করিবেন;
- (চ) দফা (ঘ) এর অধীন মনোনয়নপত্র দাখিলের পর স্বয়ংক্রিয়ভাবে প্রার্থীর প্রদত্ত মোবাইল ফোনে মনোনয়নপত্র দাখিলের প্রাপ্তি স্বীকার, মনোনয়নপত্র বাছাই এর স্থান ও তারিখ, মনোনয়নপত্র বাছাই এর সিদ্ধান্ত, প্রার্থীতা প্রত্যাহার এবং প্রতীক বরাদ্দসহ সংশ্লিষ্ট তথ্যাদি পর্যায়ক্রমে এসএমএস এর মাধ্যমে প্রেরণ করা হইবে এবং উল্লিখিত তথ্যাদি পোর্টালেও প্রদর্শিত হইবে; এবং
- (ছ) রিটার্নিং অফিসার, প্রয়োজনে, অনলাইনে দাখিলকৃত মনোনয়নপত্র সংশ্লিষ্ট কাগজপত্রাদির মূল কপি মনোনয়নপত্র বাছাইয়ের নির্ধারিত দিনে তাহার নিকট দাখিল করিবার নির্দেশনা প্রদান করিতে পারিবেন।”;

- (২) বিধি ৫ এর উপ-বিধি (১) এর পরিবর্তে নিম্নরূপ উপ-বিধি (১) প্রতিস্থাপিত হইবে, যথা:—

“(১) অনুচ্ছেদ ১৪ এর দফা (৫) এর অধীন মনোনয়নপত্র বাছাইপূর্বক রিটার্নিং অফিসার কর্তৃক প্রদত্ত যে কোনো সিদ্ধান্তে কোনো প্রার্থী বা কোনো ব্যাংক বা কোনো আর্থিক প্রতিষ্ঠান সংস্কৃদ্ধ হইলে মনোনয়নপত্র বাছাইয়ের পরবর্তী ৫ (পাঁচ) দিনের মধ্যে নির্বাচন কমিশন বরাবর সংস্কৃদ্ধ পক্ষ অথবা তদকর্তৃক এতদুদ্দেশ্যে লিখিতভাবে ক্ষমতাপ্রাপ্ত কোনো ব্যক্তি আপীল দায়ের করিতে পারিবেন।”;

- (৩) বিধি ৯ এর উপ-বিধি (১) এর পরিবর্তে নিম্নরূপ উপ-বিধি (১) প্রতিস্থাপিত হইবে, যথা:—

“(১) অনুচ্ছেদ ২০ এর দফা (১) এবং এই বিধির অন্যান্য বিধানাবলী সাপেক্ষে, নিবন্ধিত রাজনৈতিক দল কর্তৃক মনোনীত প্রার্থীর অনুকূলে তফসিল-২ এ উল্লিখিত উক্ত দলের জন্য সংরক্ষিত প্রতীক এবং স্বতন্ত্র প্রতিদ্বন্দ্বী প্রার্থীর অনুকূলে তফসিল-৩ এ উল্লিখিত প্রতীকসমূহ হইতে যে কোনো একটি প্রতীক বরাদ্দ করা যাইবে।”;

- (৪) বিদ্যমান তফসিল “তফসিল-১” হিসাবে সংখ্যায়িত হইবে এবং এইরূপ পুনঃসংখ্যায়িত তফসিল-১ এর ফরম-১ এর প্রথম খণ্ড: মনোনয়ন এর তৃতীয় অংশের ক্রমিক নং (৫) এর দফা (ক) এর পরিবর্তে নিম্নরূপ দফা (ক) প্রতিস্থাপিত হইবে, যথা:—

“(৫) (ক) আমার টিআইএন নম্বর

--	--	--	--	--	--	--	--	--	--	--	--	--	--	--	--	--	--	--	--	--

এবং আমার সম্পদ বিবরণী সম্বলিত সর্বশেষ দাখিলকৃত আয়কর রিটার্ন দাখিলের প্রমাণ সংক্রান্ত কাগজপত্র এতদসঙ্গে সংযুক্ত করিলাম।”; এবং

- (৫) তফসিল-১ এর পর নিম্নরূপ নূতন তফসিল-২ ও তফসিল-৩ সংযোজিত হইবে, যথা:—

## “তফসিল-২

[ বিধি ৯(১) দ্রষ্টব্য ]

(নিবন্ধিত রাজনৈতিক দল কর্তৃক মনোনীত প্রার্থীর অনুকূলে বরাদ্দযোগ্য সংরক্ষিত প্রতীকসমূহ)

ক্রমিক নং	নিবন্ধন নম্বর	রাজনৈতিক দলের পূর্ণ নাম	দলের সংক্ষিপ্ত নাম (যদি থাকে)	সংরক্ষিত প্রতীক
১।	০০১	লিবারেল ডেমোক্রেটিক পার্টি	এল.ডি.পি	ছাতা
২।	০০২	জাতীয় পার্টি-জেপি	জে.পি	বাইসাইকেল
৩।	০০৩	বাংলাদেশের সাম্যবাদী দল (এম.এল)	সাম্যবাদী দল (এম.এল)	চাকা
৪।	০০৪	কৃষক শ্রমিক জনতা লীগ	--	গামছা
৫।	০০৫	বাংলাদেশের কমিউনিস্ট পার্টি	সি পি বি	কাস্তে
৬।	০০৬	বাংলাদেশ আওয়ামী লীগ	আওয়ামী লীগ	নৌকা
৭।	০০৭	বাংলাদেশ জাতীয়তাবাদী দল	বি এন পি	ধানের শীষ
৮।	০০৮	গণতন্ত্রী পার্টি	--	কবুতর
৯।	০০৯	বাংলাদেশ ন্যাশনাল আওয়ামী পার্টি	ন্যাপ	কুঁড়ে ঘর
১০।	০১০	বাংলাদেশের ওয়ার্কার্স পার্টি	ওয়ার্কার্স পার্টি	হাতুড়ী
১১।	০১১	বিকল্পধারা বাংলাদেশ	বিডিপি	কুলা
১২।	০১২	জাতীয় পার্টি	জাপা	লাঞ্জল
১৩।	০১৩	জাতীয় সমাজতান্ত্রিক দল-জাসদ	জাসদ	মশাল
১৪।	০১৫	জাতীয় সমাজতান্ত্রিক দল-জেএসডি	জেএসডি	তারা
১৫।	০১৬	জাকের পার্টি	--	গোলাপ ফুল
১৬।	০১৭	বাংলাদেশের সমাজতান্ত্রিক দল	বাসদ	মই
১৭।	০১৮	বাংলাদেশ জাতীয় পার্টি-বিজেপি	বিজেপি	গরুর গাড়ী
১৮।	০১৯	বাংলাদেশ তরিকত ফেডারেশন	বি টি এফ	ফুলের মালা
১৯।	০২০	বাংলাদেশ খেলাফত আন্দোলন	--	বটগাছ
২০।	০২১	বাংলাদেশ মুসলিম লীগ	--	হারিকেন
২১।	০২২	ন্যাশনাল পিপল্‌স পার্টি	এন.পি.পি	আম
২২।	০২৩	জমিয়তে উলামায়ে ইসলাম বাংলাদেশ	--	খেজুর গাছ

ক্রমিক নং	নিবন্ধন নম্বর	রাজনৈতিক দলের পূর্ণ নাম	দলের সংক্ষিপ্ত নাম (যদি থাকে)	সংরক্ষিত প্রতীক
২৩।	০২৪	গণফোরাম	গণফোরাম	উদীয়মান সূর্য
২৪।	০২৫	গণফ্রন্ট	জি.এফ	মাছ
২৫।	০২৭	বাংলাদেশ ন্যাশনাল আওয়ামী পার্টি	বাংলাদেশ ন্যাপ	গান্ধী
২৬।	০২৮	বাংলাদেশ জাতীয় পার্টি	--	কাঁঠাল
২৭।	০৩০	ইসলামিক ফ্রন্ট বাংলাদেশ	আই.এফ.বি	চেয়ার
২৮।	০৩১	বাংলাদেশ কল্যাণ পার্টি	কল্যাণ পার্টি	হাতঘড়ি
২৯।	০৩২	ইসলামী ঐক্যজোট	আই.ও.জে	মিনার
৩০।	০৩৩	বাংলাদেশ খেলাফত মজলিস	--	রিঙ্গা
৩১।	০৩৪	ইসলামী আন্দোলন বাংলাদেশ	--	হাতপাখা
৩২।	০৩৫	বাংলাদেশ ইসলামী ফ্রন্ট	B I F	মোমবাতি
৩৩।	০৩৭	বাংলাদেশের বিপ্লবী ওয়ার্কার্স পার্টি	বিপ্লবী ওয়ার্কার্স পার্টি	কোদাল
৩৪।	০৩৮	খেলাফত মজলিস	--	দেওয়াল ঘড়ি
৩৫।	০৪০	বাংলাদেশ মুসলিম লীগ	বিএমএল	হাত (পাঞ্জা)
৩৬।	০৪১	বাংলাদেশ সাংস্কৃতিক মুক্তিজোট	মুক্তিজোট	ছড়ি
৩৭।	০৪২	বাংলাদেশ ন্যাশনালিস্ট ফ্রন্ট-বিএনএফ	বিএনএফ	টেলিভিশন
৩৮।	০৪৩	জাতীয়তাবাদী গণতান্ত্রিক আন্দোলন	এনডিএম	সিংহ
৩৯।	০৪৪	বাংলাদেশ কংগ্রেস	কংগ্রেস	ডাব
৪০।	০৪৫	তৃণমূল বিএনপি	--	সোনালী আঁশ
৪১।	০৪৬	ইনসানিয়াত বিপ্লব, বাংলাদেশ	ইনসানিয়াত	আপেল
৪২।	০৪৭	বাংলাদেশ জাতীয় সমাজতান্ত্রিক দল	বাংলাদেশ জাসদ	মটরগাড়ি (কার)
৪৩।	০৪৮	বাংলাদেশ জাতীয়তাবাদী আন্দোলন	বি এন এম	নোঞ্জার
৪৪।	০৪৯	বাংলাদেশ সুপ্রিম পার্টি	বি.এস.পি	একতারা

## তফসিল-৩

[ বিধি ৯(১) দ্রষ্টব্য ]

(স্বতন্ত্র প্রতিদ্বন্দ্বী প্রার্থীর অনুকূলে বরাদ্দযোগ্য প্রতীকসমূহ)

১। কলার ছড়ি	১২। বেলুন	২১। কাঁচি
২। কেটলি	১৩। মাথাল	২২। ফ্রিজ
৩। খাট	১৪। রকেট	২৩। সোফা
৪। ঘণ্টা	১৫। স্যুটকেস	২৪। দোলনা
৫। ট্রাক	১৬। আলমিরা	২৫। ঙ্গল
৬। তবলা	১৭। থালা	
৭। তরমুজ	১৮। টেকি	
৮। দালান	১৯। চার্জার লাইট	
৯। ফুলকপি	২০। মোড়া	
১০। বাঁশি		
১১। বেঞ্চ		

”।

নির্বাচন কমিশনের আদেশক্রমে

মোঃ জাহাংগীর আলম

সচিব।

মোঃ তাজিম-উর-রহমান, উপপরিচালক (উপসচিব), বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।

মোঃ নজরুল ইসলাম, উপপরিচালক (উপসচিব), বাংলাদেশ ফরম ও প্রকাশনা অফিস,

তেজগাঁও, ঢাকা কর্তৃক প্রকাশিত। website: www.bgpress.gov.bd